

奉天通志
十函之五

奉天通志卷一百四十七

財政三

關稅

鹽法

幣制

官業

雜款

關稅

關稅有二一曰海關稅一曰常關稅在奉天境者曰山海

口即營

口

安東曰大連皆海關而山海則兼爲常關關市之征載於周禮舟車之算昉自漢紀其來已久蓋兼譏征今紀所權海關之收蓋逾千萬常關所斂不逮其一先海後常固其理也徵權之法禁約之令各關所同茲不錄焉

漢書地理志遼東地廣民希有漁鹽棗栗之饒東賈眞番之利魏書契丹傳顯祖時悉萬丹部等各以其名馬文皮入獻天府遂求爲常皆得交市于和龍密雲之間

庫莫奚傳太和二十二年寇安州營幽燕三州兵擊走之後復款附每求入塞交易詔曰庫莫奚太和二十一年以前與安營二州邊民參居交易往來並無疑貳至二十二年叛逆以來遂爾遠竄今雖款附猶在塞表每請入塞與民交易若拒而不許乖其向化之心聽而不虞或有萬一之警交市之日州遣上佐監之

續通考遼太宗時渤海立互市以通高麗之貨統和二十三年保州置權場

金史食貨志權場明昌二年七月尙書省以泗州權場關防不嚴以提刑司舉察惟來遠軍仍舊又曰權場與敵國互市之所皆設場官嚴厲禁廣屋宇以通二國之貨亦大有助于經用

按來遠隸東京道與高麗互市之所

續通鑑元世祖中統二年七月於高麗鴨綠江西立互市

續通考明成祖永樂三年三月福餘衛部屬來市馬諭就廣寧開原擇水草便處立市俟馬至官給其直卽遣歸六年十一月遼東總兵巫凱上廣寧所市福餘衛馬牛之數

明會典兵部遼東貢市成化十四年令遼東馬市許海西並朶顏三衛夷人買賣開原每月初一日至初五日十六日至二十日開二次各夷人將馬匹并土產貨物赴彼處委官驗放入市許賚有貨物與彼兩平交易十七年題准廣寧開原俱開馬市隆慶五年令海西夷人入市務遵舊規從廣順鎮北二關魚貫而進萬曆四年令永奠堡准開一市許寬奠等處住牧東夷易換米布豬鹽卽以市稅充撫賞

清初奉省惟中江關與朝鮮通市咸豐八年五月十六日中英商

約將營口定為通商口岸同治三年開辦新關徵收進出口稅其

稅率悉仿各海關新例同按營口設關移山海關監督駐之清實錄

巡奉天錦州山海關等處將沿海之金州廳岫巖廳復州光緒三

十三年五月二十一日安東海關及大連灣海關均開辦政東三省

奉緒外三十二年來七月駐府奉大田總領事牒告日前將軍趙爾巽與各國現

任通商各國以商航處為大連由口岸凡進出之貨物中概不輸納捐稅嗣後

在同第五款載有俄國可租地遼東半島或往該地自行酌定稅則中國政府可

一口將本稅非關設稅在大連灣中自該口岸正埠約通商之二日為本始政等語是照大連

照俄原商約設稅力關遵行稅現在咨大連之外務部既查定期開放原自約應向駐日京向日公人

關使林權助提議照膠州二月稅關總稅務司赫德與林權助會議大擬連就灣設設

立關徵稅呈辦法十八條及副件
安東關照中美商約設立

清季關稅表

光緒三十四年徵收一百八十九萬一千八百四十六兩

附清關釋義

奉天財政說明書

關稅 常關洋關所收稅項統隸之

第一項 常關稅鈔

營口戶關卽山海鈔關又曰舊關本地土人相傳爲西海關是也

該關設立之初由山海關監督遴派家丁協吏役經理設局二所

一城局

先設牛莊城內後仍沿舊稱

一海局

向設營口西首南岸

城局不驗不稽專收

進口來貨及出口各項正稅海局專驗進口帆船艙口并貨物件數以及舢舨等項此營口戶關舊日之辦法也迨經日俄兩國徵

收關稅全改戶關舊章仿照他處海關新章畧爲擇要核減光緒三十二年協約成立戶關收回自辦仍以海關道爲監督一切事務歸營口新海關稅務司總其成委副稅務司及以下各項人員經理之所收稅率按照天津鈔關所定章程輸入土貨按時估價徵值百抽二五附設之海旱各口徵收稅款仍遵從前部頒則例辦理有未備者比例徵收平均計算不過值百抽一而已

第二項 海關稅鈔

東省有海關兩處一營口新海關一安東新海關營口新海關卽山海新關又曰洋關俗所稱營口東海關是也遵照咸豐戊午年五月十六日中英條約將營口定爲通商口岸同治三年開辦新關徵收進出口稅其稅率仿照各處海關新例辦理安東新海關

於光緒三十三年辦設於奉天安東縣地方另設分關於大東溝現行稅章全係遵照他處海關稅率辦理就兩關徵收之稅目論之則有如左之各種

第一目洋貨進口正稅

第二目土貨出口正稅

第三目土貨復進口半稅

第四目洋貨入內地子口稅

第五目土貨出內子口稅

第六目土貨出關入內子口稅

第七目洋藥進口稅

第八目鉛鈔

稅即噸

第九目土藥稅

第十目內河進口稅

第十一目內河出口稅

第十二目扣提火耗

第十三目洋藥釐金

以上各目均係遵照海關現行章程辦理

第三項 秦關代收奉釐

秦皇島海關向有代徵奉天應得稅一項

第四項 日本交還洋稅

日本於甲辰之役代收關稅協約成立分別交還一百八十三結

洋稅

第五項 營口練兵餉乾扣平

營口練軍應支餉乾各款向由關稅撥用照章應扣減平銀兩

第六項 餘平

由關應撥駐防旗餉向不照關平發給故有餘平一項

第七項 核減

由關稅撥發之旗餉經費等項照章均須核減

第八項 罰款

海關經收稅項如有違背章程者分別罰辦

安東關及所屬各分關卡名稱地點表

名稱

所在地

安東關

安東縣本埠

清光緒三十三年設

大東溝分關

安東縣大東溝

火車站分卡

安東縣日本居留地

鐵道分卡

安東縣火車站

大橋頭分卡

安東縣鴨綠江鐵橋

碼頭分卡

安東縣鴨綠江橋下

渡江口分卡

安東縣日界渡江口

東尖頭分卡

安東縣東尖頭江岸

三道浪頭分卡

安東縣三道浪頭

大連關及所屬各分關廠所名稱地點表

名稱

所在地

大連關

大連灣

清光緒三十三年設

旅順分關

金縣

監視所

金縣

貔子窩

普蘭店

城子疃

驗貨廠

大連碼頭

大連火車貨站

大連車站

大連黑嘴子

山海關及所屬各常關稅局名稱地點表

名稱

所在地

山海關

營口

清咸豐十年設

中後所稅局

綏中縣

興城縣稅局

興城縣

復縣稅局

蓋平縣

藍家屯稅局

錦縣

錦縣稅局

錦縣

溝幫子稅局

北鎮縣

新民縣稅局

新民縣

天橋廠稅局

錦縣

義縣稅局

義縣

綏中稅局

綏中縣

莊河稅局

莊河縣

按山海關所屬常關稅局共十五處其不在奉天境者從略此
外尚有分局七處分卡四十七處復於營口秦皇島皇姑屯三
處設三稽查局亦皆隸於山海關監督

附各海關歷年稅收比較表

海關貿易
報告冊

年別	關別	安東關	大連關	山海關	合計
					單位海關兩

民國十三年	一、三七八、三三三	五、四一二、三二二	九三〇、四六一	七、七二一、一三六
十四年	一、九一二、六八〇	六、二七三、二六二	一、三〇三、一三三	九、四八九、〇七四
十五年	二、〇九四、五五三	七、〇一五、五七六	一、一〇二、〇八〇	一〇、二二二、二〇九
十六年	二、一四三、四二六	七、一三三、七二五	九八九、四九五	一〇、二六六、六四六
十七年	二、三一〇、六七七	八、一八七、七七九	一、一八三、八四四	一一、六八二、三〇〇
十八年	三、七九一、一三七	一二、八三七、七四一	二、〇八四、九三二	一八、七二三、八一〇
附山海關五十里外常關稅收比較表 由十六年七月起至十九年六月止				
年 度	比 較 數	實 徵 數	比 較	
十六 年 度	五四五、七〇三	一、一八八、一四二	增	六四二、四三九
十七 年 度	五四一、六八九	一、四七八、六一八	增	九三六、九二八
十八 年 度	八八〇、〇〇〇	一、三三九、九九一	增	四五九、九九一

附民國十八年海關輸出輸入表

安東關

十八年輸出

四千二百五十七萬二千二百零五兩

大連關

十八年轉出

三億零二百四十四萬四千零九十九兩

營口關

即山海關

十八年輸出

三千四百二十九萬五千七百五十一兩

按輸出輸入謂貨價

鹽法

鹽官

漢書地理志遼東郡縣十八平郭有鹽官遼西郡縣十四海陽有

遼史食貨志五京及長春遼西平州置鹽鐵度支諸司以掌出納
先是遼東新附地不權酤而鹽麴之禁亦弛馮延休韓紹勳相繼
商利欲與燕地 例加繩約其民病之遂起大延琳之亂連年詔
復其租民始安靖太宗時產鹽之地如渤海鎮城海陽豐州陽洛
城廣濟湖等處五京計司各以其地領之其煎取之制歲出之額
不可得而詳

地理志中京道隰州海陽縣瀕海地多鹺鹵置鹽場於此

金史食貨志初遼金故地濱海多產鹽上京東北二路食肇州鹽
速頻路食海鹽臨潢之北有大鹽灤烏古里石壘部有鹽池皆足
以食境內之民嘗徵其稅及得中土鹽場倍之故設官立法加詳
焉斤三百爲袋袋二十有五爲大套鈔引公據三者俱備然後聽

鬻小套袋十或五或一每套鈔一引如袋之數西京等場鹽以石計大套之石五小套之石三北京大套之石四小套之石一遼東大套之石十皆套一鈔石一引零鹽積十石亦一鈔而十引西京遼東鹽各行其地北京宗錦之末鹽行本路及臨潢府肇州泰州之境與接壤者亦預焉大定三年二月定軍私煮鹽及盜官鹽之法命猛安謀克巡捕十一年四月以烏古里石壘民饑罷其鹽池稅十三年三月大鹽灤設鹽稅官復免烏古里石壘部鹽池之稅二十四年七月上在上京謂丞相烏古論元忠等曰會寧尹蒲察通言其地猛安謀克戶甚艱舊速頻以東食海鹽蒲與胡里改等路食肇州鹽初定額萬貫今增至二萬七千若罷鹽引添竈戶庶可易得元忠對曰已嘗遣使咸平府以東規畫矣上曰不須待此